



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱՎՈՌՈՒՊՅՈՒՆ ԴԱՏԱՐԱՆ
Ո Ր Ո Շ ՈՒ Մ**

**Քաղաքացիական գործը վարույթ ընդունելու և
դատաքննություն նշանակելու մասին**

«15» ապրիլի 2024թ.

ք.Երևան

ՀՀ հակակոռուպցիոն դատարանի դատավոր Կ.Բադալյանի՝ քննության առնելով թիվ ՀԿԴ/0053/02/24 քաղաքացիական գործը վարույթ ընդունելու և դատաքննություն նշանակելու հարցը.

Պ Ա Ր Զ Ե Ց Ի

ՀՀ Վայոց Ձորի մարզի դատախազությունը հայցադիմում է ներկայացրել ՀՀ տնտեսական դատարան ընդդեմ ԱԶ Գրիգոր Խաչատրյանի՝ ՀՀ պետական բյուջեի օգտին 346.300 ՀՀ դրամ և ՀՀ պարտադիր սոցիալական ապահովագրության բյուջեի օգտին 154.200 ՀՀ դրամ բռնագանձելու պահանջի մասին:

ՀՀ տնտեսական դատարանը (դատավոր Ռ.Հակոբյան) 24/01/2007 թվականին որոշում է կայացրել հայցադիմումը վարույթ ընդունելու մասին (գործ թիվ S4-109):

20/02/2004 թվականին Դատարանը որոշում է կայացրել պատասխանողի և նրա գույքի նկատմամբ հետախուզում հայտարարելու և քաղաքացիական գործի վարույթը կասեցնելու մասին:

Նշված գործը որպես թիվ ԵԴ/13021/02/23 քաղաքացիական գործ «Դատական համակարգ» էլեկտրոնային կառավարման ծրագրի միջոցով 31/03/2023 թվականին մակագրվել է ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Տ.Ստեփանյանին և դատավորի աշխատակազմին է հանձնվել 05/04/2023 թվականին:

05/04/2024 թվականին Դատարանը որոշում է կայացրել «Գործը ՀՀ հակակոռուպցիոն դատարանի քննությանը հանձնելու մասին»:

ՀՀ քաղաքացիական դատավարության օրենսգրքի 439-րդ հոդվածի 4-րդ մասի համաձայն՝ Սույն օրենսգրքի ուժի մեջ մտնելու օրվա դրությամբ առաջին ատյանի դատարանի վարույթում գտնվող գործերը առաջին ատյանի դատարանում քննվում են Հայաստանի Հանրապետության քաղաքացիական դատավարության 1998 թվականի հունիսի 17-ի օրենսգրքի նորմերով:

Քանի որ սույն քաղաքացիական գործը մինչև 2018 թվականի փետրվարի 27-ին ընդունված և նույն թվականի ապրիլի 9-ից ուժի մեջ մտած ՀՀ քաղաքացիական դատավարության օրենսգրքի ուժի մեջ մտնելու օրվա դրությամբ առաջին ատյանի դատարանի վարույթում գտնված գործ է, հետևաբար այն ենթակա է քննության Հայաստանի Հանրապետության քաղաքացիական դատավարության 1998 թվականի հունիսի 17-ի օրենսգրքի նորմերով:

ՀՀ դատական օրենսգիրք սահմանադրական օրենքի 24-րդ հոդվածի 3-րդ մասի համաձայն՝ Հակակոռուպցիոն դատարանին են ենթակա Հայաստանի Հանրապետության քրեական դատավարության օրենսգրքով հակակոռուպցիոն դատարանների իրավասությանը

դատավարության կարգով պետության գույքային և ոչ գույքային շահերի պաշտպանության հայցերով և «Ապօրինի ծագում ունեցող գույքի բռնագանձման մասին» օրենքի հիման վրա գույքի բռնագանձման հայցերով հարուցված քաղաքացիական գործերը (այսուհետ՝ հակակոռուպցիոն քաղաքացիական գործեր):

Տվյալ դեպքում՝ հայցվորը ՀՀ Վայոց Ձորի մարզի դատախազությունն է, որը ներկայացրել է պետության գույքային շահերի պաշտպանության հայց, հետևաբար գործը ենթակա է քննության ՀՀ հակակոռուպցիոն դատարանին:

Հայաստանի Հանրապետության քաղաքացիական դատավարության 1998 թվականի հունիսի 17-ի օրենսգրքի 111.1 հոդվածի 1-ին մասի համաձայն՝ դատարանը, ելնելով գործի բարդությունից, կարող է կիրառել քաղաքացիական դատարանում գործը դատաքննությանը նախապատրաստելու կանոնները:

Տվյալ դեպքում, հաշվի առնելով գործի ոչ բարդ լինելը, այն նշանակում է դատաքննության:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 144, 144.1, 145, 149.9-րդ հոդվածներով՝

Ո Ր Ո Շ Ե Ց Ի

Թիվ ՀԿԴ/0053/02/24 քաղաքացիական գործն ըստ հայցի ՀՀ Վայոց Ձորի մարզի դատախազության ընդդեմ ԱԶ Գրիգոր Խաչատրյանի՝ ՀՀ պետական բյուջեի օգտին 346.300 ՀՀ դրամ և ՀՀ պարտադիր սոցիալական ապահովագրության բյուջեի օգտին 154.200 ՀՀ դրամ բռնագանձելու պահանջի մասին, ընդունել վարույթ և նշանակել դատաքննության նիստ 2024 թվականի մայիսի 07-ին, ժամը 12:00-ին՝ ՀՀ հակակոռուպցիոն դատարանի Երևանի նստավայրում (հասցե՝ ք.Երևան, Թբիլիսյան խճուղի 3/9, 2-րդ հարկ, դահլիճ 8):

Որոշումն ուժի մեջ է կայացման պահից և ենթակա չէ բողոքարկման:

ԴԱՏԱՎՈՐ



Կ. ԲԱԴԱԼՅԱՆ